



南蠻列傳第二百四十七上

唐書二百四十七上

端明殿學士兼翰林侍讀學士龍圖閣學士朝請大夫  
守尚書吏部侍郎充集賢殿脩撰臣宋祁奉敕撰

南詔或曰鶴拓曰龍尾曰苴咩曰陽劔本哀牢夷  
後烏蠻別種也夷語王爲詔其先渠帥有六自號  
六詔曰蒙雋詔越圻詔浪穹詔澄賧詔施浪詔蒙  
舍詔兵埒不能相君蜀諸葛亮討定之蒙舍詔在  
諸部南故稱南詔居永昌姚州之間鐵橋之南東  
距爨東南屬交趾西摩伽陀西北與在蕃接男女  
王西南驃北抵益州東北際黔巫王都羊苴咩城

別都曰善闡府王坐東嚮其臣有所陳以狀言而不稱臣王自稱曰元猶朕也謂其下曰昶猶卿爾也官曰坦綽曰布燮曰久贊謂之清平官所以決國事輕重猶唐宰相也曰西望曰正西望曰負外西望曰大軍將曰負外猶試官也幕爽主兵琮爽主戶籍慈爽主禮罰爽主刑勸爽主官人厥爽主工作萬爽主財用引爽主客永爽主商賈皆清平官西望大軍將兼之爽猶京省也督爽摠三省也乞託主馬祿託主牛巨託主倉亦清平官西望大軍將兼之曰爽西望曰彌勤曰勤齊掌賦稅曰兵孺司掌

機密大府主將曰演習副曰演覽中府主將曰繕齋副曰繕覽下府主將曰澹西副曰澹覽小府主將曰幕摠副曰幕覽府有陀西若管記有陀西若判官大抵如此凡調發下文書聚邑必占其期百家有摠佐一千家有治人官一萬家有都督一凡田五畝曰雙上官授田四十雙上戶三十雙以是而差壯者皆爲戰卒有馬爲騎軍人歲給韋衫袴以邑落遠近分四軍以旗幟別四方面一將統千人四軍置一將凡敵入境以所入面將禦之王親兵曰朱弩佉直佉直韋帶也擇鄉兵爲四軍羅直

子戴朱鞮致養負犀革銅盾而跣走險如飛百人置  
羅首子統一人望苴蠻者在蘭蒼江西男女勇捷  
不鞍而騎善用矛劍短甲蔽背腹鞮致養皆插貓牛  
尾馳突若神凡兵出以望苴子前驅以清平子弟  
爲羽儀王左右有羽儀長八人清平官見王不得  
佩劍唯羽儀長佩之爲親信有六曹長曹長有功  
補大軍將大軍將十二與清平官等列日議事王  
所出治軍壁稱節度次補清平官有內筭官代王  
裁處外筭官記王所處分以付六曹外則有六節度  
曰弄棟水昌銀生劍川柘東麗水有二都督會川通

海有十賧夷語賧若州曰雲南賧白崖賧亦曰勃弄  
賧品澹賧澄川賧蒙舍賧大釐賧亦曰史賧苴咩賧  
亦曰陽賧蒙秦賧矣和賧趙川賧祁鮮山之西多瘴  
歊地平草冬不枯自曲靖州至滇池人水耕食蠶以  
柘蠶生閱二旬而繭織錦縑精緻大和祁鮮而西人  
不蠶剖波羅樹實狀若絮紐縷而幅之晚賧并產鹽  
最鮮白惟王得食取足輒滅竈昆明城諸井皆產鹽  
不征羣蠻食之末昌之西野桑生石上其林上壟兩  
向而下植取以爲弓不筋漆而利名曰賧弓長川諸  
山往往有金或披沙得之麗水多金越賧之西多

薦草產善馬世稱越駉駉始生若羊歲中紐迹縻之  
飲以米潘七年可御日馳數百里王出建八旗紫若  
肯白旂雉斐二有旂鉞紫囊之翠蓋王母曰信麼亦  
曰九麼妃曰進武信麼出亦建八旗絳旂自曹長以  
降繫金佞直尚絳紫有功加錦又有功加金波羅金  
波羅虎皮也功小者衿背不袖次止于衿婦人不粉  
黛以蘇澤髮貴者綾錦裙襦上施錦一幅以兩股辨  
爲鬢髻耳綴珠具瑟瑟虎魄女嫠婦與人乱不禁婚  
夕私相送已嫁有姦者皆抵死俗以寅爲正四時大  
抵與中國小差膾魚寸以胡瓜椒殺和之號爲

闕吹瓢笙笙四管酒至客前以笙推盞勸酬以繒  
帛及具市易具者大若指十六枚爲一頁師行人  
齎糧斗五升以二千五百人爲一營其法前傷者  
養治後傷者斬犁田以一牛三夫前挽中壓後驅  
然專于農無貴賤皆耕不繇役人歲輸米二斗一  
藝者給田一畝乃統王蒙氏父子以名相屬自舍  
尤以來有譜次可老舍尤生獨邏亦曰細奴邏高  
宗時遣使者入朝賜錦袍細奴邏生邏盛炎邏盛  
炎生炎閣武后時盛炎身入朝妻方娠生盛邏皮  
喜曰我又有了子雖死唐地足矣炎閣立死開元時

弟盛邏皮立生皮邏閣授特進封臺登郡王炎閣  
未有子時以閣羅鳳為嗣及生子還其宗而名承  
閣遂不改開元末皮邏閣逐河蠻取大和城又龍  
大釐城守之因城龍口夷語山陂陀為和故謂大  
和以處閣羅鳳天子詔賜皮邏閣名歸義當是時  
五詔徵歸義獨彊乃厚以利啖劍南節度使王昱  
求合六詔為一制可歸義已并羣蠻遂破吐蕃窺  
驕大入朝天子亦為加禮又以破洱蠻功馳遣中  
人冊為雲南王賜錦袍金鈿帶七事於是徒治大  
和城天寶初遣閣羅鳳子鳳迦異入宿衛拜鴻臚

卿恩賜良異七載歸義死閣羅鳳立龍襲王以其子  
鳳迦異為陽瓜州刺史初安寧城有五鹽井人得  
煮鹽自給玄宗詔特進何履光以兵定南詔境取  
安寧城及井復立馬接銅柱乃還鮮于仲通領劍  
南節度使忤忿少方略故事南詔嘗與妻子謁都  
督過雲南太守張虔陀私之多所求丐閣羅鳳不  
應虔陀數詬斬之陰表其罪由是忿怨反發兵攻  
虔陀殺之取姚州及小夷州凡三十一明年仲通  
自將出戎雋州分二道進次曲州靖州閣羅鳳遣  
使者謝罪願還所虜得自新且城姚州如不聽則

歸命吐蕃悉雲南非唐有仲通悉囚使者進薄白  
崖城大敗引還閣羅鳳斂戰勞築京觀遂北臣吐  
蕃吐蕃以爲弟夷謂弟鍾故稱贊普鍾給金印號  
東帝揭碑國門明不得已而叛嘗曰我上世世奉  
中國累封賞後嗣容歸之若唐使者至可指碑澡  
被吾罪也會揚國忠以劍南節度當國乃調天下  
兵凡十萬使侍御史李泌討之犍軍餉者尚不在涉  
海而瘦死相踵於道必敗于大和城死者十八亦  
會安祿山反閣羅鳳因之取雋州會同軍據注溪  
關以破越析梟于贈西而降尋傳驃諸國尋傳驃

者俗無絲纆跣履榛棘不苦也射豪猪生食其肉  
戰以竹籠頭如兜鍪其西有裸蠻亦曰野蠻漫散  
山中無君長作檻舍以居男少女多無田農以木  
皮蔽形婦或十或五共養一男子廣德初鳳迦異  
築拓東城諸葛亮石刻故在文曰碑即什蠻爲漢  
奴夷畏並帝以石搗搗大曆十四年閣羅鳳以鳳  
迦異前死立其孫異牟尋以嗣異牟尋有智數善  
撫衆略知書母李獨錦蠻女也獨錦蠻亦烏蠻種  
在秦藏川南天寶中命其長爲歸州刺史世與南  
詔婚聘異牟尋立悉衆二十萬入寇與吐蕃并力

一趨茂州踰文川擾灌口一趨扶文掠方維白頃  
一侵黎雅叩邛邽關令其下曰爲我取蜀爲東府  
工伎悉送還安城歲賦一練於是進陷城聚人率  
走山德宗發禁衛及幽州軍以援東川與山南兵  
合大敗異牟尋衆斬首六千級禽生捕傷甚衆顛  
踣厓峭且十萬異牟尋懼更徙首咩城築表十五  
里吐蕃封爲日東王然吐蕃責賦重數悉奪其餘  
立營候歲索兵助防異牟尋稍苦之故西瀘令鄭  
回者唐官也往雋州破爲所虜閻羅鳳重其博儒  
號蠻利俾教子弟得善擄故國中無不憚後以爲

清平官說異牟尋曰中國有禮義少求責非若吐  
蕃恣刻無極也今棄之復歸唐無遠戍勞利莫大  
此異牟尋善之稍謀內附然未敢發亦會節度使  
韋臯撫諸蠻有威惠諸蠻頗得異牟尋語白于臯  
時貞元四年也臯乃遣謀者遺書吐蕃疑之因責  
大臣子爲質異牟尋愈怨後五年乃決策遣使者  
三人異道同趣成都遺臯帛書曰異牟尋世爲唐  
臣曩緣張虔陀志在吞海中使者至不爲澄雪舉  
部惶窘得生異計鮮于仲通比年舉兵故自新無  
繇代祖棄背吐蕃欺孤背約神川都督論訥古使

浪人利羅式眩惑部姓發兵無時今十二年此一  
忍也美禍蕃廷降虜蕭牆大子弟兒流竄近臣橫  
汗皆尚結贊陰計以行屠害平日功臣無一二在  
訥古等皆冊封王小國奏請不令上達此二忍也  
又遣訥古逼城于鄙弊邑不堪利羅式私取重賞  
部落皆驚此三忍也又利羅式罵使者曰滅子之  
將非我其誰子所富當為我有此四忍也今吐蕃  
委利羅式甲士六十侍衛因知懷惡不謬此一難  
忍也吐蕃陰毒野心輒懷搏噬有如媮生實汗辱  
先人辜負部落此二難忍也往退渾王為吐蕃所

害孤遺受欺西山女王見奪其位拓拔首領並蒙  
誅刈僕固志忠身亦喪亡每慮一朝亦被此禍此  
三難忍也往朝廷降使招撫情心無二詔函信節  
皆送蕃廷雖知中夏至仁業為蕃臣吞聲無訴此  
四難忍也曾祖有寵先帝後嗣率蒙襲王人知禮  
樂本唐風化吐蕃詐給百情懷惡相戚異牟尋願  
竭誠日新歸款天子請加成劍南西山涇原等州  
安西鎮守揚兵四臨委回鶻諸國所在侵掠使吐  
蕃勢分力散不能為彊此西南隅不煩天兵可以  
立功云且贈臯黃金丹砂臯護送使者京師使者

奏異牟尋請歸天子爲唐藩輔獻金示順革丹赤  
心也德宗嘉之賜以詔書命臯遣謀往覘臯令其  
屬崔佐時至羊苴羊城時吐蕃使者多在陰戒佐  
時衣牂柯使者服以入佐時曰我乃唐使者安得  
從小夷服異牟尋夜迎之設位陳燎佐時即宣天  
子意異牟尋內畏吐蕃顧左右失色流涕再拜受  
命使其子閣勸及清平官與佐時盟點蒼山載書  
四一藏神祠石室一沈西洱水一置祖廟一以進  
天子乃發兵攻吐蕃使者殺之刻金契以獻遣曹  
長段南羅趙迦寬隨佐時入朝初吐蕃與回鶻戰

殺傷其乃調南詔萬人異牟尋欲襲吐蕃陽示寡  
弱以五千人行許之即自將數萬踵後晝夜行大  
破吐蕃於神山遂斷鐵橋溺死以萬計俘其五王  
乃遣弟湊羅棟清平官尹仇寬等二十七人入獻  
地圖方物請復號南詔帝賜賚有加拜仇寬左散  
騎常侍封高溪郡王明年夏六月冊異牟尋爲南  
詔王以祠部郎中袁滋持節領使成都少尹龐頡  
副之崔佐時爲判官俱文珍爲宜慰使劉幽巖爲  
判官賜黃金印文曰貞元冊南詔印滋至大和城  
異牟尋遣兄蒙細羅勿等以良馬六十迎之金錢

玉珂兵振鐸夾路陳異牟尋金甲蒙虎皮執雙鐸  
鞘執矛千人衛大象十一引于前騎軍徒軍以次  
列誥曰授冊異牟尋率官屬北面立宣慰使東向  
冊使南向乃讀詔冊相者引異牟尋去位跽授冊  
印稽首再拜又授賜服備物退曰開元天寶中曾  
祖及祖皆蒙冊龍襲王自此五十年貞元皇帝洗痕  
錄功復賜爵命子子孫孫永爲唐臣因大會其下  
享使者出銀平脫馬頭盤一謂滋曰此天寶時先  
君以鴻臚少卿宿衛皇帝所賜也有笛工歌女皆  
垂白示滋曰此先君歸國時皇帝賜胡部龜滋音

聲二列今喪亡略盡唯一人故在酒行異牟尋坐  
奉觴滋前滋授觴曰南詔當深思祖考成業抱忠  
竭誠永爲西南藩屏使後嗣有以不絕也異牟尋  
拜曰敢不承使者所命滋還復遣清平官尹輔酋  
等七人謝天子獻鐸鞘浪劍鬱刃生金瑟瑟牛黃  
虎珀氍繄紡絲象犀越睽統倫馬鐸鞘者狀如殘刃  
有孔傍達出麗水飾以金所擊無不洞夷人尤寶  
月以血祭之鬱刃鑄時以毒藥并冶取迎躍如星  
者凡十年乃成淬以馬血以金犀飾鐸首傷人即  
死浪人所鑄故亦名浪劍王所佩者傳七世矣異

牟尋攻吐蕃復取昆明城以食鹽池又破施蠻順  
蠻並虜其王置白崖城因定磨此蠻隸昆山西爨  
故地破茫蠻掠弄棟蠻漢棠蠻以實雲南東北施  
蠻者在鐵橋西北居大施睽斂尋睽男子衣繒布  
女分髮直額爲一髻垂後跣而衣皮順蠻本與施  
蠻雜居劔共諸川咩羅皮鐸羅望旣失澄川浪穹  
奪劔共地由是從鐵橋在劔睽西北四百里號劔  
羌磨蠻些蠻與施順二蠻皆烏蠻種焉鐵橋大濩  
小濩三探覽昆池等川土多牛平俗不類澤男女  
衣皮俗好飲酒歌舞茫蠻本關南種茫其君號也

或呼茫詔永昌之南有茫天連茫吐疇大睽茫昌  
茫鮓茫施大抵皆其種樓居無城郭或漆齒或金  
齒衣青布短袴露胛以繒布綵膏出其餘垂後爲  
飾婦人披五色姿羅籠象纒如牛養以耕弄棟蠻  
白蠻種也其部本居弄棟縣鄙地昔爲褒州有首  
領爲刺史設殺其參軍挈族北走後散居磨些江  
側故劔共諸川亦有之漢裳蠻本漢人部種在鐵  
橋惟以朝霞纏頭餘尚同漢服十五年異牟尋謀  
擊吐蕃以澄川寧北等城當寇路乃峭山深漸脩  
戰備帝許出兵助力又請以大臣子弟質於臯臯

辭固請乃盡舍成都咸遣就學且言昆明舊州與吐蕃接不先加兵爲虜所脅反爲我患請臯圖之時唐兵比歲屯京西朔方大峙糧欲南北並攻取故地然南方轉饟稽期兵不悉集是夏虜麥不熟疫癘仍興贊普死新君立臯揣虜未敢動乃勸異牟尋緩舉萬全愈於速而無功今境上兵十倍往歲且行營皆在舊州扼西瀘吐蕃路昆明弄棟可以無虞異牟尋請期它年吐蕃大臣以歲在辰兵宜出謀龍表南詔閱無不治道將以十月圍舊州軍屯昆明凡八萬皆命一歲糧贊普以舅攘却羅爲都

統遣尚之力欺徐溫鑠屯西貢川異牟尋與臯相聞臯命部將武免率弩士三千赴之元榮朝以萬人屯黎州韋良金以二萬五千人屯舊州約南詔有急皆進軍過俄准添城者南詔供饋吐蕃引衆五萬自襄首川分二軍攻雲南一軍自諾濟城攻舊州異牟尋畏東蠻磨此難測懼爲吐蕃鄉導欲先擊之臯報舊州實往來道捍蔽數州虜百計窺之故嚴兵以守屯壁相望糧械處處有之東蠻庸敢懷貳乎異牟尋乃檄東磨此諸蠻內糧城中不者悉燒之吐蕃顯城將楊萬波約降事洩吐蕃以

兵五千守臯將擊破之萬波與龍官拔顯城以來  
徙其人二千于宿川臯將扶忠義又取木恭城俘  
係牛羊千計替普大將既煎讓律以兵距上真川  
一舍而屯國師馬定德率種落出降西首節度監  
軍野多輸煎者替普乞立替養子當從先替普殉  
亦詣忠義降於是虜氣衰軍不振欺徐濫鑠至鐵  
橋南詔毒其水人多死乃徙納川壁而待是年虜  
霜雪早兵無功還期以明年吐蕃苦唐詔犄角亦  
不敢圖南詔臯令免按兵舊州節級鎮守雖南詔  
境亦所在屯戍吐蕃懲野戰數北乃屯三瀘水遣

論妄熱誘瀘瀘諸蠻復城悉攝悉攝吐蕃險要也  
蠻酋潛導南詔與臯部將杜毗羅祖擊十七年春夜  
絕瀘破虜屯斬五百級虜保鹿危山毗羅伏以待  
又戰虜大奔於時康黑衣大食等兵及吐蕃大酋  
皆降獲甲二萬首又合高心士破虜于瀘西吐蕃君  
長共計不得舊州患未艾常為兩頭蠻挾唐為輕  
重謂南詔也會虜存飢方葬替普調斂煩至是大  
料兵率三戶出一卒虜士爲大調集又聞唐兵三  
萬入南詔乃大懼兵戍納川故洪諾濟臘聿賈五  
城欲悉師出西山劍山收舊州以絕南詔臯即上

言京右諸屯宜明斥候蚤斂田郊隴焚萊可困虜  
入臯遣將邢毗以兵萬人屯南北路趙昱萬人戍  
黎雅州異牟尋謂臯曰虜聲取舊州實窺雲南請  
武免督軍進羊苴時上言虜不出者請以來年二月  
深入時虜兵三萬攻鹽州帝以虜多詐疑繼以大  
軍詔臯深鈔賊鄙分虜勢臯表賊精銳多置南屯  
今向鹽夏非全軍欲掠河曲党項望畜產耳俄聞虜  
破麟州臯督諸將分道出或自西山或由平夷或  
下隴陀和石門或徑神川納川與南詔會是時回  
賜太原郊寧涇原軍獵其北劔南東川山南兵震  
其東鳳翔軍當其西蜀南詔深入克城七焚塚百  
五十所斬首萬級獲鎧械十五萬圍昆明維州不  
能克乃班師振武靈武兵破虜二萬涇原鳳翔軍  
敗虜原州惟南詔攻其腹心俘獲最多帝遣中人  
尹偕尉異牟尋而吐蕃盛屯昆明神川納川自守  
異牟尋比年獻方物天子禮之

南蠻列傳第一百四十七上

南蠻列傳第二百四十七中

唐書二百二十二中

端明殿學士兼翰林侍讀學士龍圖閣學士朝請大夫  
守尚書吏部侍郎充集賢殿脩撰臣宋 祁奉 敕撰

元和三年異牟尋死詔太常卿武少儀持節弔祭子  
尋閣勸立或謂夢湊自稱驃信夷語君也改賜元  
和印章明年死子勸龍晟立淫肆不道上下怨疾  
十一年爲弄棟節度王嵯顛所殺立其弟勸利詔  
少府少監李銑爲冊立弔祭使勸利德嵯顛賜氏  
蒙封大容蠻謂兄爲容長慶三年始賜印是歲死  
弟豐且祐立豐祐趨敢善用其下慕中國不肯連父

名穆宗使京兆少尹韋審規持節臨冊豐祐遣洪成酋趙龍些揚定竒入謝天子於是西川節度使杜元穎治無狀鄣候弛沓相蒙時大和三年也嵯巔乃悉衆掩邛戎舊三州陷之入成都止西郭十日慰賚唐人市不擾肆將還乃掠子女工技數萬引而南人懼自殺者不勝計救兵逐嵯巔身自殺至大度河謂華人曰此吾南境爾去國當哭衆號慟赴水死者十二南詔自是工文織與中國埒明年上表請罪比年使者來朝開成會昌間再至大中時李琢爲安南經略使苛墨自私以斗鹽易一

牛夷人不堪結南詔將段酋遷陷安南都護府號白衣沒命軍南詔發朱弩佞首三千助守然朝貢猶歲至從者多杜棕自西川入朝表無多內蠻僭豐祐怒即慢言索質子會宣宗崩使者告哀是時豐祐亦死坦綽酋龍立憲朝廷不弔卹又詔書乃賜故王以首具進使者而遣遂僭稱皇帝建元建極自號大禮國懿宗以其名近玄宗嫌諱絕朝貢乃陷播州安南都護李鄴屯武州咸通元年爲蠻所攻棄州走天子斥鄴以王寬代之明年攻邕管經略使李弘源兵少不能拒奔蠻州南詔亦引去

詔殿中監段文楚爲經略使數改條約衆不悅以胡懷玉代之南詔知邊人困甚剽掠無有不入寇杜棕當國爲帝謀遣使者弔祭示恩信并詔驃信以各嫌冊命未可舉必易名乃得封帝乃命左司郎中孟穆持節往會南詔陷雋州穆不行安南挑林人者居林西原七縮洞首領李由獨主之歲歲戍邊李琢之在安南也奏罷防冬兵六千人謂由獨可當一隊遏蠻之入蠻酋以女妻由獨子七縮洞舉附蠻王寬不能制二年以湖南觀察使蔡襲代之發諸道兵二萬屯守南詔憺畏不敢出會詔

左庶子蔡京經制嶺南忌襲功有所欲沮壞之乃言南方自無虞武夫倖功多聚兵耗餽運請還戍兵惜財用襲執不可願留五千兵累表不報即極陳南詔伺隙必有十必死狀朝廷昏肆不省也京還奏得意甚復詔爲宣慰安撫使即建析廣州爲嶺南東道邕州爲西道以襲象藤巖爲隸州乃拜京西道節度使京褊伎貪克峻條令爲炮重剗斫法下愁毒爲軍中所逐走藤州矯制作攻討使印召鄉兵比道軍攻邕州不克衆潰貶死崖州以桂管觀察使鄭愚代節度南詔攻交州進略安南襲

請救發湖荆桂兵五千屯邕州嶺南韋宙奏南詔必龍表邕管不先防近而圖遠恐擣虛絕糧道且深入乃詔襲按軍海門詔鄭愚分兵禦之襲請濟師以山南東道兵千人赴之南詔酋將楊思儻麻光高以兵六千薄城而屯四年正月攻益急襲錄異牟尋盟言擊矢上射入其營不荅俄而城陷襲闔宗死者七十人幕府樊綽取襲印走度江荆南兵入東郭苦戰斬南詔二千級是夜蠻遂屠城有詔諸軍保嶺南更以秦州經略使高駢為安南都護帝見輸發頻罷遊幸不奏樂宰相杜悰以為非是

止之南詔稍逼邕州鄭愚自陳非將帥才願更擇人會康承訓自義成來朝乃授嶺南西道節度使發荆襄洪鄂兵萬人從之承訓辭兵寡乃大興諸道兵五萬往六月置行交州於海門進為都護府調山東兵萬人益戍以空管經略使張茵鎮之因命經略安南茵逗遛不敢進安南之陷將吏遺人多各伏溪洞詔所在招還採卹之免安南賦入二年韋宙請分兵屯容藤披縑執五年南詔回掠舊州以益西南西川節度使蕭鄴率屬蠻鬼主邀南詔大度河賊之明年復舉攻會刺史喻士珍貪捨

陰掠兩林東蠻口縛賣之以易蠻金故開門降南  
詔盡殺成卒而士珍遠臣于蠻安南又屯兩河銳  
士死瘡毒者十七宰相楊收議罷北軍以江西為  
鎮調軍募彊弩二萬建節度且地便近易調發詔  
可更侯致亦以張茵懦不足事悉以兵授高駢駢  
以選士五千度江賊林邑兵於邕州擊南詔龍州  
屯蠻酋燒山蠻酋走酋龍遣楊紉思助酋遷共守安  
南以沅州此為安南都統趙諾眉為扶邪都統十  
年六月駢次交州戰數勝士酣鬪斬其將張詮李  
澹龍舉眾萬人降拔波風三壁緝思出戰敗還走

城士乘之超堞入斬酋遷脰此二諾眉上首二萬級  
安南平初酋龍遣清平官董成等十九人詣成都  
節度使李福將廷見之成對曰皇帝奉天命改正  
朔請以敵國禮見福不許導譯五返日旰士倦議  
不決福怒命武士捽辱之械繫于館俄而劉潼代  
福節度即挺其繫表縱還有詔召成等至京師見  
別毀賜物良厚慰遣還國明年酋龍使楊酋慶等  
來謝釋囚初李師望建言成都經摠蠻事曠日不  
能決請析邛蜀嘉眉黎雅嵩七州為定邊軍建節  
度制機事近且速天子謂然即詔師望為節度使

治邛州邛距成都才五舍雋州最南去邛乃千里  
緩急首尾不相副而師望利專制諱不言裒積無  
厭私賄以百萬計又欲激蠻怒幸有功乃殺酉慶  
等既而戍士怒將醢師望以逞會召還以竇滂代  
之滂沓冒九不法誅責苛纖甚師望時蠻役未興  
而定邊已困酉龍怒殺其使十年乃入寇以軍綴  
青溪關密引衆伐木開道徑雪坡盛夏卒凍死者  
二千人出沐源關嘉州破屬蠻遂次沐源滂遣充  
海兵五百往戰一軍覆酋龍乃身自將督衆五萬  
侵雋州攻青溪關屯將杜冉榮絕大度河走諸屯

比日退保北涯蠻攻黎州詭服漢衣濟江襲捷為破  
之裴回陵榮間焚廬舍掠糧畜薄嘉州刺史楊恣  
與南詔夾江而軍士攢射蠻不得進陰自上游濟  
背擊主師殺忠武將顏慶師走嘉州陷明年正  
月攻杜冉榮滂自勒兵戰酉龍遣使者十輩請和  
滂信之語未半蠻桴爭岸謀而進滂不知所為將  
自殺武寧將苗全緒止之殊死戰蠻稍卻滂乃遁  
全緒殿而行黎州陷人走匿山谷蠻掠金帛不勝  
負入自邛峽關圍雅州遂擊邛州是冬滂棄州壁  
導諸蠻峙械皆亡矣酉龍進攻成都次眉州垣

綽杜元忠日夜教酋龍取全蜀於是西川節度使  
盧耽遣其副王偃中人張思廣約和蠻疆之使南  
面拜然卒不見酋龍而還蠻次新津耽復遣副譚  
奉祀好言申約蠻留之耽畏援軍未集即飛請天  
子降大使通好以紓其深入懿宗馳遣太僕卿支  
詳為和蠻使蠻本無謀不能乘機會鼓行亟驅但  
虬結蠅營怛鹵剽小利處處留屯故蜀孺老得扶  
穉悉入成都閭里皆滿戶所占地不得過一牀兩  
則冒箕蓋自庇城中井為竭則共飲摩訶池至爭  
粹溺死者城笞沙取適以之死不能具棺即共攻

瘞故瀘州刺史楊慶復為耽治攻且蘭石置牢城  
兵八將王之樹篋格殺之炬照城守具雄新又選  
悍士一萬號突將為長刀巨槌斧分左右營休日  
隸于軍士心侈欲鬪而空自龍自雙流徐行力欲  
董成之辱因給耽請上不至軍議事耽遣節度副  
使柳槃往見杜元忠議和元忠妄言帝見耽請具  
車蓋以保嬰槃未能決還蠻步以三百騎自帷幕來夫  
言曰供帳隨蜀王聽事為驃信行在耽不許之馳  
去蠻稍前傳外郭於是游亦使王晝叔有援兵二千  
出毗橋竇滂亦以其軍自導江來將與大軍相用

然戰不甚力，小木勝即保廣。其自以失定邊，變成  
都陷，得薄其罪。會有詔斥徙，事遂無功。耽部將李  
自孝者，與刺史喻士珍善。士珍巨蠻，自孝陰與賊  
通，乃說耽城下。時葦稻潞水，頗城與府不之覺。蠻  
攻城，自孝守陴，樹麻以自表。麻所指，蠻輒攻之。為  
下所覺，耽殺自孝以徇。城左有民樓，肆蠻俯射。城  
中耽募勇士，燒之器械俱盡。二月，蠻以雲、梁、鴉車  
四面攻。士珍呼鴉車未至，陴者以巨索鉤，係投膏  
炬車，焚之。相聞，蠻卒盡死。耽遣李壽、張察率兵將戰，  
城下俘斬二千級。蠻落為蓬籠如車下設

枕木推而前，不及城。又匿蠻其內，以穴墉。揚悉以  
輿貯糞，灌沒。蠻蠻不能進，注以鐵液。蓬籠皆火，然  
南詔負眾，益治器械。斧斤書夜有聲，賊擊鏡樓，眾  
失色。耽遣將出二面苦戰，蠻引卻。蠻利夜晦，輒薄  
城，聞呼，嘯眾齊奮。城上施鐵籠，千炬賊來不待隱  
屯。夫終夜吐蠻，不能侵步。謀遣謀與，好且謂。耽  
母多殺，以速蠻和。是時傳言救師至，城中合謀開  
門。士爭出迎軍，南詔搏戰不解。日入，判官程克裕  
以北門兵二千乘之。蠻乃走，耽猶遺之書謝，不得  
已交兵。且請和，士脫鎧，迎之。詳詳陳所齎，植一旗

署曰賜雲南幣物謂蠻使者曰天子詔雲南和解  
而兵薄成都奈何請退舍撤警以脩好或勸詳蠻  
多詐毋入死地詳不行蠻復圍成都夜穿西北隅  
犂旦乃覺即類焚火于堦蠻皆死堽中以鐵鉅曳  
雲翻計之燄作少選盡其固守是時帝遣東川節  
度使顏慶復爲大度河制置劍南應接使兵次新  
都博野將曹元裕敗蠻兵斬二千級南詔騎數萬  
晨馱官軍以騁大將宋武以忠武兵戰斬首五千  
獲馬四百南詔退屯生宿山威進屯沱江酋龍  
追酋望至支詳所請和曰今列城固守北軍望功

歸語而主素自度耽遣統將趣蠻壁燒攻具殺二  
千人爲南詔所誦詔而清蠻聞鳳翔山南軍馬來  
乃迎戰毗而不勝趨沱江爲伏士所擊又敗城中  
出突將夜火蠻酋龍垣緝身督戰後三日王師  
奪昇遠江大敗夜燒亭傳乘火所向兩矢前王  
師威疏軍行嚮矢所發業取射之兩軍不能決各解  
去酋龍知不敵夜撤營南奔至雙流江無梁計窮  
將赴水死或止之曰今北軍與成都兵合若來這  
我無類矣不如僞和以紓急不然死未晚乃來請  
三日梁成而濟即斷梁亡隊殺驅黎州刺史襄師

本收散卒保邛州無龍燻圖二日去蠻俘其民必  
剽耳鼻已縱之既而居刻木為耳鼻者什八慶  
復之來衆以其弟慶師死于蠻必甘心及成都不  
破以已功輕乃按軍廣漢縱殘寇人人切齒初成  
都無陰斬乃教耽濟隍廣三丈作戰棚于堤列左  
右屯營營別五區區卒五十時阜焚夾壕後三年  
合兵又為大旛連營自是南詔憚之首龍年少嗜  
殺戮相風異已者皆斬兵出無寧歲諸國受讎怨  
屢覆衆國耗虛蜀之役男子十五以下悉發婦耕  
以餉軍十四年坦綽復寇蜀組舟大度河以濟為  
刺史黃景復擊却一衆循河而南夜檉上流兵夾  
攻瀕水諸屯景復一敗走還黎州蠻請追為景復所  
敗會蠻踵來還攻一入度河什旃息鼓請曰坦綽欲  
上書天子白寃事以兵信之不戰悉成而濟黎州  
陷遂攻雅州擊定谷還軍卒潰入邛州成都大震人  
亡入玉壘關士乘城坦綽遣使者王保成等四十  
人齎驛信書遺節度使牛勣欲假道入朝請誅蜀  
王故殿叢欲許之楊慶詠曰蠻無信彼禮屈辭甘  
詐我也請斬其使留二人還書叢因責之曰詔王  
之祖六詔最一小夷也天子錄其勤合六詔為一俾

附庸成都名之以國許子弟入太學使習華風今  
乃自絕王命且蛇雀犬馬猶能報德王乃不如蟲  
鳥乎此成都以武備未脩故令爾突我疆場然毗  
鄰沅江之敗積燬附城不四年復來今吾有士萬  
衆捨其軍未用以千人為軍十軍為部驍將主之  
先部有彊弩二百縛斧輔之勁弓二百越銀刀輔  
之長戈二百撥刀輔之短矛二百車鉞輔之又軍  
四面而有鐵騎五百悉收芻薪米粟牛馬犬豕清  
野待爾吾又能以學騎略爾樵采我日出以一部  
與爾戰部別一番日中而代日昃一部至以夜屯  
月明則戰黑則休夜半而代凡我兵五日一殺敵  
爾乃晝夜戰不十日憊且死矣州縣繕甲傷兵擗  
角相從比皆饑之深雖雖女子能斷髮薄賦況疆夫  
烈士哉爾祖嘗奴事西蕃為爾仇家今願臣之何  
恩繼之矣邪蜀王故殿先世之寶其宮非邊夷所宜  
舍神聖人憤驃信且死叢猶火郊民室虛觀閣嚴  
兵為固守計坦結至新津而還回寇黔中經略使  
秦匡謀懼奔荆南會信宗立遣金吾將軍韓重持  
節往使俄攻秦州景復擊走之乾符元年劫略舊  
雅間破秦州入邛崃關掠成都成都閉三日蠻乃

去詔徙天平軍高駢領西川節度使乃奏蠻小醜  
勢易制而蜀道險絕饑窮要令左神策所發長武  
河東兵多用度繁廣且彼皆扼制羌戎不可以弛  
備詔乃罷長武等兵駢至不淹月閱精騎五千逐  
蠻六三大度河奪鎧馬執酋長五十斬之收邛崃關  
復取劍州南詔遁駢召畧復責大度河之賊斬  
以爲六望星清溪等關南詔懼遣使者詣駢結好  
而陸路兵寇邊駢斬其使知安南經略判官杜襲  
爲蠻所俘其妻宗室女也故酋龍使奉書馬和駢  
答曰我且將百萬衆至龍一毛賊問爾罪酋龍大震

自南詔叛天子數遣使至其境酋龍不肯拜使者  
遂絕其以其俗尚浮屠法以爲遣使者景山攝使往  
酋龍與其下迎謁且拜乃定盟而還遣南平言酋  
龍遣使與唐通好子二十八朝今盟請爲兄弟君舅甥  
詔拜景山爲臚外檢校左散騎常侍駢結好書尚  
延心盟魯搏月等爲間知武州馬湖沈源川人  
度河三列屯中險料壯卒爲平夷軍南詔氣奪  
行龍之怒邪死偽謚景莊皇帝子法嗣改元貞明  
承智一國自歸大封八法年上好畋獵酣逸不繫系  
錦嶺鑿金帶國皇顯法大出乾符四年遣使西段

瑋嘗詣邕州節度使辛鑑請借使使者各乘未  
終云西川駢奏請與和親石議大夫柳聖言部  
侍郎言澹醜共事上言遠蠻解乃因浮屠教  
又議和親聖笑後世駢職上請謀乖繆不可遂遂  
寢聖使者所入朝議和親而駢使荆南持前請不  
置三和鄭昭盧攜羊不決皆賜罷平謹遣幕府徐  
雲度攝使者往覘到善闡府見騎數十曳長矛擁  
絳服少年朱纒約髮典客伽陀酋孫慶曰此驃信  
也問天子起居下馬揖客取使者佩刀視之自解  
左右鈕以示乃除地刺三丈版命左右馳射每一  
入射法驟馬逐以爲樂數十發止引客就幄俛子  
捧瓶盃四女子侍樂飲夜乃罷又遣問安春秋大  
義送使者還是時駢徙節鎮海刻澹等沮議帝蒙  
弱不能曉下詔尉解西川節度使崔安潛上言蠻  
蓄鳥獸心不識禮義安可以賤隸尚貴主失國家  
大體澹等議可用臣請募義征子率十戶一保願  
發山東銳兵六千戍諸州比五年蠻可爲奴久之  
帝手詔問安潛和親事荅曰雲南姚州譬一縣中  
國何資於彼而遣重使加厚禮彼且文謂朝廷畏  
怯無能爲脫有它請陛下何以待之且天宗近屬

不可下小蠻夷臣比移書果不言舅甥黜所備也有  
如蠻使者不復至當遣謀人伺其隙可以得志南  
詔知蜀疆故龍安南陷之都護曾袞奔邕府戍兵  
潰會西川節度使陳敬璋申和親議時盧攜復輔  
政與且盧瑑皆厚駢乃譎說帝曰陛下初即位遣  
韓重使南詔將官屬留蜀其年費不貲蠻不肯迎  
及駢節度西川招盟未繕甲訓兵繼使震動遣趙  
宗政入獻見天子附驃信再拜雲笈之使驃信答  
拜其於禮不爲少宣宗皇帝收三州七關平江山鎮  
以南至大中十四年內唐實積如山戶部延資充  
滿故宰相敏中領西川庫錢至三百萬紙幣諸道亦  
然咸通以來蠻始叛命再入安南邕管一破黔州  
四盜西川遂圍盧耽召兵東方戍海門天下騷動  
十有五年賦輸不內京師者與半中藏守虛亡二死  
瘡痍燎骨傳次人不念家二命爲盜可爲痛心前  
年留宗政等南方無虞及遣還彼猶異故舊家法立  
三年比兵不出要防其蓄力以間我虜矣今朝廷府  
庫匱甲兵少牛叢有北兵七萬首尾奔衝不能救  
況安南安戍單寡涉冬寇禍可虞誠命使者臨報  
縱未稱臣且伐其謀外以歷服蠻夷內得蜀休息

也帝謂然乃以宗室女爲安化長公主許婚拜嗣  
曹王龜年宗正少卿爲雲南使大理司直徐雲虔  
副之常侍劉光裕爲雲南內使霍承錫副之及  
還具言驃信誠款以爲敬瑄功故進檢校司空賜  
一子官法遣宰相趙隆眉楊奇混段義宗朝行在  
迎公主高駢自揚州上言三人者南詔心腹也宜  
止而鳩之蠻可圖也帝從之隆眉等皆死自是謀  
臣盡矣蠻益衰中和元年復遣使者來迎王獻珍  
怪種罽賓牀帝以方議公主車服爲解後二年又  
遣布燮楊奇肱來迎詔檢校國子祭酒張譙爲禮會  
五禮使徐雲虔副之宗正少卿嗣號王約爲婚使  
未行而黃巢平帝東還乃歸其使法死僞諡聖明  
文武皇帝子舜化立建元中興遣使款黎州脩好  
昭宗不答後中國亂不復通先是時傍矣川羅  
識一族通號八詔時傍母歸義女也其女復妻閤  
羅鳳初畔羅皮之敗時傍入居邈川州誘上浪千  
餘勢稍張爲閤羅鳳所猜徙置白崖城後與矣川  
羅識詣神川都督求自立爲詔謀洩被殺矣川羅識  
奔神川都督自送之羅此城

蒙嵩詔最大其王嵩輔首死無子弟佉陽照立法

陽照死子照原立喪明子原羅質南詔歸義欲并  
國故歸其子原之衆果立之居數月使人殺照原  
逐原羅遂有其地

越析詔或謂磨些詔居故越析州西距曩葱山一  
日行真元中有曩西張尋求丞其王波衝妻因殺  
波衝劔南節度使召尋求丞姚州殺之部落無長  
以地歸南詔波衝兄子于贈持王所寶鐸鞘東北  
度瀘邑干龍法河纒百里號雙舍使部酋楊墮居  
河東北歸義樹壁侵于贈不克閻羅鳳自請往擊  
楊墮破之于贈投瀘死得鐸鞘故王出軍必雙執之

浪穹詔其王豐時死子羅鐸立羅鐸死子鐸羅望  
立為浪穹州刺史與南詔戰不勝挈其部寶劔川  
更稱劔浪死子望偏立望偏死子偏羅矣立偏羅  
矣死子羅君立貞元中南詔擊破劔川虜羅君徙  
永昌凡浪穹澄暎施浪摠謂之浪人亦稱三浪

澄暎詔其王豐咩初據澄暎為御史李知古所殺  
子咩羅皮自為澄川州刺史治大釐城歸義龍敗  
之復入澄暎與浪穹施浪合拒歸義既戰大敗歸  
義奪澄暎咩羅皮走保野共川死子皮羅鄧立皮  
羅鄧死子鄧羅顛立鄧羅顛死子顛文託立南詔破

劔川虜之徙永昌

施浪詔其王施望父居矣直和城有施各皮者亦  
入詔之裔據石和城閻羅鳳攻虜之而施望父孤  
立故與咩羅皮合攻歸義不勝歸義以兵脅降其  
部施望父以族走永昌獻其女遺南詔丐和歸義  
許之度蘭江死弟望千走吐蕃吐蕃立爲詔納之  
劔川衆數萬望千死子千傍羅顛立南詔破劔川  
千傍羅顛走瀘北三浪悉滅唯千傍羅顛反矣川  
羅識子孫在吐蕃

贊曰唐之治不能過兩漢而地廣於二代勞民費  
財禍所繇生晉獻公殺嫡賊二公子號爲閻君明  
皇一日殺二庶人皆敵甚矣嗚呼父子不相信而  
遠治閻羅鳳之罪士死十萬當時免之懿宗任相  
不明鎮屢畔南詔內侮老成思亂龐勛棄之倡  
戈橫行雖凶渠殲夷兵連不解唐遂以亡易曰喪  
牛千易有國者知戒西北之虞而不知患生於無  
備漢亡於董卓而兵兆於冀州唐亡於黃巢而禍  
基於桂林易之意深矣

南蠻列傳第一百四十七中

南蠻列傳第一百四十七下

唐書二百二十二下

端明殿學士兼翰林侍讀學士龍圖閣學士朝請大夫  
守尚書吏部侍郎充集賢殿脩撰臣宋 祁奉 敕撰

環王木林邑也一曰占不勞亦曰占婆直交州南海行二千里地東西三百里而羸南北千里西距真臘霧溫山南抵奔浪陀州其南大浦有五銅柱山形若倚蓋西重巖東涯海漢馬援所植也又有西屠夷蓋援還留不去者才十戶隋末獠衍至三百皆姓馬俗以其寓故號馬留人與林邑分唐南境其地冬溫多霧雨產琥珀猩猩獸結遼鳥以

二月爲歲首稱歲再熟取檳榔瀋爲酒椰葉爲席俗凶悍果戰鬪以麝塗身日再塗再澡拜謁則合爪頓顙有文字喜浮屠道冶金銀像大或十圍呼王爲陽蒲浦王妻爲陀陽阿熊太子爲阿長浦宰相爲波漫漫地王所居曰占城別居曰齊國日蓬皮勢王衣白氍古貝斜絡臂飾金珠爲纓髮戴金華冠如章甫妻服朝霞古貝短裙冠纓如王王衛兵五千戰乘象藤爲鎗竹爲弓矢率象千馬四百分前後不設刑有罪者使象踐之或送不勞山界自死隋仁壽中遣將軍劉昶伐之其王范梵志挺走

以其地爲二郡置守令道阻不得通梵志哀遺衆別建國邑武德中并遣使獻方物高祖爲設九部樂鄉貢之貞觀時王頭黎獻馴象鏤鎖五色帶朝霞布火珠與婆利羅刹二國使者偕來林邑其言不恭羣臣請問罪太宗曰昔符堅欲吞晉衆百萬一戰而亡隋取高麗歲調發人與爲怨乃死匹夫手朕敢妄議發兵邪赦不問又獻五色鸚鵡白鸚鵡數訴寒有詔還之頭黎死子鎮龍立獻通天犀雜寶十九年摩訶慢多伽獨私鎮龍滅其宗范姓絕國人立頭黎塔婆羅門爲王大臣共廢之更立頭

黎女爲王諸葛地者頭黎之姑子父得罪奔真臘  
女之王不能定國大臣共迎諸葛地爲王妻以女  
永徽至天寶元二入獻至德後更號環王元和初  
不朝獻安南都護張舟執其僞驩愛州都統斬三  
萬級虜王子五十九獲戰象舡鎧渡利者直環王  
東南自交州汎海歷赤土丹丹諸國乃至地大洲  
多馬亦號馬禮表長數千里多火珠大者如雞卵  
圓白照數尺日中以艾藉珠輒火出產瑋瑁文螺  
石坭初取柔可治旣鏤刻即堅有舍利鳥通人言  
俗黑身朱髮而拳鷹爪獸穿穿耳傳璫以古貝橫

一幅繚于鬢古貝草也繙其花爲布粗曰貝精曰  
氈俗以夜爲市自掩其面王姓利利邪伽名護路  
那婆世居位繚班絲貝綴珠爲飾坐金榻左右持  
白拂孔雀<sup>鳥</sup>妻出以象駕車羽蓋珠箔鳴金擊鼓<sup>敵</sup>  
豕<sup>蟲</sup>爲樂<sup>上</sup>其東即羅刹也與婆利同俗隋煬帝遣常  
駿使赤土遂通中國赤土西南入海得婆羅總章  
二年其王旃達鉢遣使者與環王使者偕朝環王  
南有殊柰者汎交趾海三月乃至與婆羅同俗貞  
觀二年使者上方物九年甘棠使者入朝國居海  
南十二年僧高武令迦下鳩密四國使者朝貢僧

高直水真臘西北與環王同俗其後鳩密王尸利  
鳩摩又與富那王尸利提婆跋摩等遣使來貢傳  
高等國永徽後為真臘所并

盤盤在南海曲北距環王限少海與狼牙脩按自交  
州海行四十日乃至王曰揚栗莫其民頗水居比木  
為柵石為矢鏃王坐金龍大榻諸大人見王交手  
抱肩以跪其臣曰敦郎索濫曰崑崙帝也曰崑崙  
勃和曰崑崙敦諦索其亦曰古龍古龍者崑崙聲  
近耳在外曰那延猶中國刺史也有佛道士祠僧  
食肉不飲酒道士謂為貧真不食酒肉貞觀中再遣

使朝其東南有哥羅羅亦曰哥羅富田羅  
王姓矢利波羅名米失鉢羅累右為城樓闕宮室  
茨以草州二十四其兵有弓矢稍及以孔雀羽飾  
纛每戰以百象為一隊一象百人鞍若濫四人執  
弓稍在中賦率輸銀二銖無絲紵惟古真玄甲多牛  
少馬非有官不束髮凡嫁娶納檳榔為禮多至二  
百盤婦已嫁從夫姓樂有琵琶橫笛銅鼓鐵鼓  
死者焚之取燼貯金罍沈之海東南有拘婁密海  
行一月至南距婆利行十日至東距不迷行五日  
至西北距文單行六日至與赤土墮和羅同俗永

徽中獻五色鸚鵡

扶南在日南之南七千里地卑窪與環王同俗有城郭宮室王姓古龍居重觀柵城荷葉以覆屋王出乘象其人黑身鬖髮保行俗不為寇盜田一歲種三歲穫國出剛金狀類紫石英生水底石上人汲水取之可以刻玉扣以殺角乃泮人喜鬪雞及猪以金珠香為稅治特牧城俄為真臘所并益南徙那笪那城武德貞觀時再入朝又獻白頭人二白頭者直扶南西人皆素首膚理如脂居山穴四面峭絕人莫得至與參半國接

真臘一曰吉茂本扶南屬國去京師二萬七百里東距車渠西屬驃南瀕海北與道明接東抵驪州其王刹利伊金那貞觀初并扶南有其地戶皆東嚮坐上東安坐層檳榔龍腦香蛤以進不飲酒比之淫與妻飲房中避尊屬有戰象五千良者餽以肉世與參半驃通好與環王乾陀洎數相攻自武德至聖曆凡四來朝神龍後分為一半北多山阜號陸真臘半南際海饒陂澤號水真臘半水真臘地八百里王居婆羅提拔城陸真臘或曰文單曰婆鏤地七百里王號笮屈開元天寶時王子率

其屬二十六來朝拜果毅都尉大曆中副王波婆彌  
及妻來朝獻馴象十一擢波婆彌試殿中監賜名賓  
漢是時德宗初即位珍禽奇獸悉縱之蠻夷所獻  
馴象畜苑中元會充廷者凡三十二悉放荆山之  
陽及元和中水真臘亦遣使入貢文單西北屬國  
曰參半武德八年使者來道明者亦屬國無衣服  
見衣服者其大之無鹽鐵以竹弩射鳥獸自給

訶陵亦曰社婆曰闍婆在南海中東距波婆利西墮  
婆登南瀕海北真臘木爲城雖大屋亦覆以栴欄  
象牙爲牀若席出瑇瑁黃白金犀象國最富有穴

自湧鹽以柳花椰子爲酒飲之輒醉宿昔壤有文  
宗知星曆食無已筋有毒女與接輒苦瘡人死尸  
未腐王居闍婆城其祖吉延東遷於婆露伽斯城  
旁小國二十八莫不臣服其官有三十二大夫而  
大坐敢兄爲最貴山上有郎卑野州王常登以望  
海夏至立八尺表景在表南一尺四寸貞觀中與  
隋和羅疇婆登昆遣使者入貢太宗以璽詔優答  
隋和羅疇良馬帝與之至上一元間國人推女子爲  
王號悉莫威令整肅道不舉遺大人食君聞之齎金  
一囊置其郊行者輒避如是二年太子過以足躓

金悉莫怒將斬之羣臣固請悉莫曰而罪實本於足可斷趾羣臣復爲請乃斬指以狗犬食聞而畏之不敢加兵大曆中訶陵使者三至元和八年獻僧祇奴四五色鸚鵡頰伽鳥等憲宗拜內四門府左果毅使者讓其弟帝嘉美並官之訖大和再朝貢咸通中遣使獻女樂愔和羅亦曰獨和羅南距盤盤北迦邏舍弗西屬海東真臘自廣州行五月乃至國多美犀卅謂愔和羅犀有二屬國曰曇陵陀洄曇陵在海洲中陀洄一曰耨陀洄在環王西南海中與愔和羅接自交州行九十日乃至王姓紫尖利名婆那字婆末無蠶桑有稻麥麻巨畜有白象牛羊豬俗喜櫻居謂爲干欄以白氎朝霞布爲衣親喪在室不食燔屍已則剔髮浴于池然後食自觀時並遣使者再入朝又獻婆律膏白鸚鵡首有十紅毛齊于翅時正馬龍鍾帝與之幣渡安登在環王南行二月乃至東訶陵西迷黎車北屬海俗與訶陵同種稻月一熟有文字以具多葉寫之死者實入立于口以劍貫其體加婆律膏龍腦麝香積薪燔之

按和在真臘南自廣州西南海行百日乃至王姓

拔和羅名脯邪迄遙官有朝請將軍功曹士薄贊  
理贊府分領國事分州郡縣二等州有參軍郡有  
金威將軍縣有城有旬長官得選僚屬自助民居  
率樓閣畫壁王宿衛百人衣朝霞耳金環金縷被  
頸寶飾革履頻盜者死次穿耳及頰而劓其髮盜  
鑄者或手無賦稅民以地多少自輸王以農商自  
業無錢類榆莢民乘象及馬無鞍勒繩穿頰御  
之或斷髮為孝焚尸斂灰于嬰沈之水貞觀中  
遣使以黃金函內表并獻方物

瞻博或曰瞻婆北距兢伽河多野象羣行顯慶中  
與婆舍干支弗舍跋若磨臘四國並遣使者入朝  
千支在西南海中本南天竺屬國亦曰半支跋若  
唐言五山也北距多摩耆耆又有哥羅舍分脩羅分  
甘畢三國貢方物甘畢在南海上東距環王王名  
旃陀越摩有勝兵五千哥羅舍分者在南海南東  
墮和羅脩羅分者在海北東距真臘其風俗大略  
相類有君長皆柵郭二國勝兵二萬甘畢才五千  
又有多摩耆耆東距婆鳳西多隆南千支弗北訶陵  
地東西一月行南北二十五日行其王名骨利詭  
云得大卵剖之獲女子美色以為妻俗無姓婚姻

不別同姓王坐常東向勝兵二萬有弓刀甲稍無  
馬果有波那婆宅護遮菴摩去石榴其國經薩盧都  
訶盧君那盧林邑諸國乃得交州顯慶中貢方物  
室利佛逝一曰尸利佛誓過軍徒弄山二千里地  
東西千里南北四千里而遠有城十四以二國分  
摠西曰郎婆露斯多金水砂龍腦夏至立八尺表  
影在表南二尺五寸國多男子有橐它豹文而犀  
角以乘且耕名曰它生豹又有獸類野豕角如山  
羊名曰零肉味美以醢饋膳其王號曷密多威身至  
開元間數遣使者朝表為邊吏侵掠有詔廣州慰  
撫又獻侏儒僧祇女冬二及歌舞官使者為折衝  
以其王為左威衛大將軍賜紫袍金鈿帶後遣子  
入獻詔宴于曲江宰相會冊封賓義王授右金吾  
衛大將軍還之

名蔑東接真陀桓西但游南屬海北波刺其地一  
月行有州三十以十二月為歲首王衣朝霞氎賦  
二十取一交易皆用金準直其人短小兄弟共娶  
一妻婦總髮為角辨夫之多少王號斯多題龍朔  
初使者來貢

單單在振州東南多羅磨之西亦有州縣木多白

檀王姓刹利名尸陵伽日視事有八大臣號八坐  
王以香塗身冠雜寶璽近行乘車遠乘象戰必吹  
豸鼓擊鼓盜無輕重皆死乾封總章時獻方物羅越  
者北距海五千里西南哥公羅商賈往來所湊集  
俗與暹羅鉢底同歲乘舶至廣州州必以聞

驃古朱波也自號突羅朱聞婆國入曰徒里拙在  
永昌南二千里去京師萬四千里東陸真臘西接  
東天竺西南墮和羅南屬海北南詔地長三千里  
廣五千里東北袤長屬羊首咩城凡屬國十八曰  
迦羅婆提曰摩禮烏特曰迦黎迦曰半地曰彌臣  
曰坤朗曰偈奴曰羅聿曰佛代曰渠論曰婆梨曰  
偈陀曰多歸曰歷曳餘即舍衛瞻婆闍波女也凡鎮  
城九曰道林王曰悉利移曰三陀曰彌諾道立曰  
突曼曰帝偈曰達梨謀曰乾唐曰末浦凡部落二  
百九十八以名見者三十二曰萬公曰充惹曰羅  
君潛曰彌綽曰道雙曰道雍曰道勿曰夜半曰不  
惡奪曰莫音曰伽龍談曰阿梨吉曰阿梨闍曰阿  
梨忙曰達磨曰求潘曰僧塔曰提梨郎曰望騰曰  
擔泊曰祿烏曰乏毛曰僧迦曰提追曰阿末羅曰  
逝越曰騰陵曰歐咩曰磚羅婆提曰祿羽曰陋蠻

曰磨地勃絲彌臣至坤朗又有小崑崙部工名茫  
乘越俗與彌臣同絲坤朗至祿羽有大崑崙王國  
王名思利泊婆難多珊那川原大於彌臣絲崑崙  
小王所居日行至磨地勃柵海行五月至佛代  
國有江支流三百六十其王名思利些彌池有川  
名思利毗離丙土多異香北有市諸國估船所  
越即閩波安也十五日行踰二大山一曰正迷一  
曰射鞞有國其王名思利摩訶羅閣俗與佛代同  
多耳補邏川至闍波安八日行至婆賄伽盧國土  
衢路植椰子榴椰仰不見日王居以金為壁瓦厨  
覆銀瓦爨香木堂飾明珠有三池以金為隄舟楫  
皆飾金寶驃王姓困沒長名摩羅惹其相名曰摩  
訶思那王山輿以金繩牀遠則乘象嬪史數百人  
青壁為圓城周百六十里有十二門四隅作浮圖  
民比日居中鉛錫為瓦荔支為材俗惡殺拜以手抱  
臂稽顙額為恭明天文喜佛法有白寺琉璃為壁瓦錯  
以金銀丹彩紫鑲塗地覆以錦罽王居亦如之民  
七歲視髮止寺至二十有不達其法復為民衣用  
白氈朝霞以氈帛傷生不敢衣戴金花冠翠冒絡  
以雜珠王宮設金銀二鍾寇至焚以香擊之以占吉

凶有巨白象高百尺訟者焚香自跪象前自思是非  
而退有災疫王亦焚香對象詔自咎無桎梏有罪  
者束五竹桎背重者五輕者二殺人則死土宜叔  
粟稻梁蔗大若脛無麻交以金銀爲錢形如半月  
號登伽佗亦曰足彈陀無膏油以蠟雜香代炷與  
諸蠻市以江猪白豔琉璃貝缶相易婦人當頂作  
高髻飾銀珠琲衣青娑裙披羅段行持扇貴家者  
傍至五六近城有沙山不毛地亦與波斯波女羅門  
接距西舍利城二十日行西舍利者中天竺也南  
詔以兵彊地接當羈制之貞元中王雍羌聞南詔  
歸唐有內附心異牟尋遣使揚加明詣劍南西川  
節度使韋皋請獻夷中歌曲且令驃國進樂人於  
是皋作南詔奉聖樂用正律黃鍾之均宮徵一變  
象西南順也角羽終變象戎夷革心也舞六成工  
六十四人梵貝引二人序曲二十八疊舞南詔奉聖  
樂字舞人十六執羽翟以四爲列舞南字歌聖王  
無爲化舞詔字歌南詔朝天樂舞奉字歌海字脩  
文化舞聖字歌雨露覃無外舞樂字歌關土丁零  
塞皆一章二疊而成舞者初定執羽簫鼓等奏散  
序一疊次奏第二疊四行梵引以序入將終雷鼓

作於四隅舞者皆拜金聲作而起執羽稽首以象  
朝覲每拜跪節以鉦鼓次奏拍序一疊舞者分左  
右蹈舞每四拍指羽稽首拍終舞者拜復奏一疊  
蹈舞拊指以合南字字成徧終舞者北面跪歌導  
以絲竹歌已俯伏鉦作復指舞餘字皆如之唯聖  
字詞末皆恭指以明奉聖每一字曲三疊名爲五  
成次急奏一疊四十八人分行聲折象將臣禦邊  
也字舞畢舞者十六人爲四列又舞闕四門之舞  
遠舞入徧而疊與鼓吹合豆即進舞二退舞二以象  
三才三統無姪終皆稽首遂巡又一人舞億萬壽之

舞歌天南滇越俗四章歌舞七疊六成而終七者  
火之成數象天子南面生成之恩六者坤數象西  
南向化凡樂三十二工百九十六人分四部一龜茲  
部二大鼓部三胡部四軍樂部龜茲部有羯鼓揩  
鼓要背鼓雞婁鼓短笛大小箏箎拍板皆八長短簫  
橫笛方響晉大銅鈸貝皆四凡工八十八人分四列  
屬舞筵四隅以合節鼓大鼓部以四爲列凡二十  
四凡屬龜茲部前胡部有箏大小箏箎五絃琵琶笙  
橫笛短笛拍板皆八大小箏箎皆四工七十二人  
分四列屬舞筵之隅以道守歌詠軍樂部金鏡金鐸

皆二摑鼓金鉦皆四鉦鼓金飾蓋垂流蘇工十二  
人服南詔服立闕四門舞筵四隅節拜合樂又十  
六人畫半臂執摑鼓四人爲列舞人服南詔衣絳  
褰襦黑頭裹金佉直畫皮鞞首飾袿額冠金寶花  
髮雙擩上復加畫半臂執羽翟舞俯伏以象朝拜襦  
襦畫鳥獸草木文以八綵雜華以象庶物咸遂羽  
葆四垂以象天無不覆正方布位以象地無不載  
分四列以象四氣舞爲五字以象五行秉羽翟以  
象文德節鼓以象號令遠布振以鐸明采詩之義  
用龜樂以象遠夷悅服鉦鼓則古者振旅獻

捷之樂也菁鍾者聲配運爲土明土德當成菁鍾  
得乾初九白爲其宮則林鍾四律以正聲應之象  
大君南面其天統於上乾道明也林鍾得坤初六  
其位西南而西南感至化於下坤體順也太族得乾  
九二是爲人統天地正而三才通故太族應以太族  
三才既通南呂後以羽聲應之南呂西四方金也  
羽北方水也金水悅而應乎時以象西戎北狄悅  
服然後沽洗以角音終之沽故也洗濯也以象南  
詔背吐蕃歸以洗過日新皐以五宮異用獨唱殊  
音復述五均譜分金石之節奏一曰黃鍾宮之宮

軍士歌奉聖樂者用之舞人服南詔衣秉耒耨俯伏  
拜抃合南詔奉聖樂三字倡詞五舞人乃易南方  
朝天之服絳色七節襦袖節有青襟排袷以象鳥  
翼樂用龜茲胡部金鉦柶鼓鉦具大鼓二曰太鼓  
商之宮女子歌奉聖樂者用之合以管絃若奏庭  
下則獨舞一曲樂用龜茲鼓笛各四部與胡部等  
合作琵琶笙篳篥篳篥皆八大小咸角葉箏五絃琵琶長  
笛短笛方響各四居龜茲部前次具一人大鼓十  
二分左右餘皆坐奏三曰沽洗角之宮應古律林  
鍾爲徵宮女子歌奉聖樂者用之舞者六十四人  
飾羅線襦袖間以八采曳雲花裙身飾雙鳳八卦  
綵雲花鬘髮動羽爲拜行之節以林鍾當地統象歲  
功備萬物成也雙鳳明律呂之和也八卦明還相  
爲用也綵雲象爲示也花鬘象冠也合奉聖樂三字  
唱詞三表天下懷聖也小女子字舞則聖名色襦袖  
象角音上木首飾龜封雁沽洗之氣以六人略後  
象六合一心也樂用龜茲胡部其鉦柶鏡鑿皆覆  
以綵蓋飾以花跋上陳錦綺垂流蘇後瑞圖曰王  
者有道則儀鳳在取故羽葆鼓柶以鳳凰鉦棲孔  
雀鏡鑿集以翔鸞爲鉦柶頂足又飾南方爲獸朝澤

及飛走翔伏鈺擗鏡鐸皆一人執擊之具及大鼓  
工伎之數與軍士奉聖樂同而加鼓笛四部四曰  
林鍾徵之宮殿拍單聲奉聖樂文夫一人獨舞  
樂用龜茲鼓笛每色四人方響二置龜茲部前二  
隅有金鐘中植金鐸二具二鈴鉦二大鼓十二分  
左右五曰商呂羽之宮應古律黃鍾爲君之宮樂  
用古黃鍾方響百一大琵琶五絃琵琶大箏篋倍黃  
鍾屬篋小屬篋未等笙通管度揚琴軋箏黃鍾蕭笛倍  
笛節鼓拍板笙二皆一人坐奏之絲竹綴作一人  
獨唱歌工復通管軍士奉聖樂詞雅弄亦遣弟亦

利移城主舒難陀獻其國樂至成都草臯復譜次  
其聲以其舞容樂器異常乃圖畫以獻工器二十  
有一其音八金具絲竹匏革牙角金二具一絲七  
竹二匏二革二牙一角一鈴鉦四制如龜茲部周  
圓三寸貫以韋擊磕應節鐵板一長三寸五尺博  
二寸五分面平背有柄係以韋與鈴鉦皆飾條紛  
以花氎縷爲卷采螺貝四大者可受一升飾條紛有  
鳳首篋篋二其一長一尺腹廣七寸鳳首及項長  
二尺五寸面飾氈皮絃一十有四項有軫鳳首外  
向其一頂有條軫有龜首爭二其一形如鼉長四

尺有四足虛腹以鼉皮飾背面及仰肩如琴廣七寸腹闊八寸尾長尺餘卷上虛中施關以張九絃左右二十八柱其二面飾彩花傳以虺皮為別有龍首琵琶一如龜茲製而項長二尺六寸餘腹廣六寸一龍相向為首有軫狂各三絃隨其數兩軫在項一在頸其覆形如師子有雲頭琵琶一形如前面飾虺皮四面有牙釘以雲為首軫上有花象品字三絃覆手皆飾虺皮刻捍撥為舞崑崙狀而彩飾之有大匏琴二覆以半匏皆彩畫之上加銅甌以竹為琴作虺文橫其上長三尺餘頭曲如拱長二寸以條繫腹穿甌及匏本可受二升大絃應太簇次絃應如洗有獨絃匏琴以班竹為之不加飾刻木為虺首張絃無軫以絃繫頂有四柱如龜茲琵琶絃應太簇有小匏琴二形如大匏琴長二尺大絃應南呂次應應鍾有橫笛一一長尺餘取其合律去節無瓜以蠟實首上加師子頭以牙為之穴六以應黃鍾商備五音七聲又一管唯加象首律度與荀勗笛譜同又與清商部鍾鼓具各有兩頭笛二長二尺八寸中隔一節節左右開衝氣穴兩端皆分洞體為笛量左端應太簇管末三穴一姑洗一蕤賓三夷

則右端應林鍾管末二穴一南宮三應鍾三大呂下  
托指一穴應清太族兩洞體七穴共備黃鍾林鍾  
兩均有六匏笙二皆十六管左右各八形如鳳翼  
大管長四尺八寸五分餘管參差相次製如笙管形  
亦類鳳翼竹為簧穿匏達本上古八音皆以木漆  
代之用金為簧無匏音唯騾國得古製又有小匏  
笙一製如大笙律應林鍾商有二面鼓二形如酒  
缸高一尺首廣下銳上博七寸底博四寸腹廣不過  
首冒以虺皮束二為一碧條約之下當地則不冒四  
面畫騾國工伎執笙鼓以為飾有小鼓四製如鼙  
鼓長五寸首廣三寸五分冒以虺皮牙釘彩飾無  
柄搖之為樂節引實者皆執之有牙笙穿匏達本  
漆一植一象牙代雙簧應姑洗有三角笙  
亦字訛達本漆之植三半角一黃應姑洗餘應南  
呂角銳在下穿匏達本柄有兩角笙示牙  
匏達本上植一牛角應姑洗匏以彩飾凡曲名一  
有二一曰佛印騾及狀編國人及天竺歌以事之也  
二曰讚婆羅花騾龍舞為國人以事之為衣服能舞  
其身也三曰白鶴騾不食穀其飛七步遠情也四曰白  
鶴游無二公蘇謾底哩謂舞則空行則徐步也五

曰調平勝驃云來乃見有人見三千國海岸墮者則見弱者入山時人謂之來乃來乃者勝勢也六曰龍首獨琴驃云彌思彌此一步而立其南象王一德以高萬邦也七曰禪云樂二聖管詩謂離谷宗靜也八曲唱舞皆律也九甘旨悅其味也九曰孔雀王驃云桃臺謂毛采也華之七曰野鳩謂飛止必雙徒信畢會也十一曰宣樂驃云龍聰網羅謂時生宴會喜嘉也十二曰滌煩亦白坐舞驃云應那爾時滌煩皆以此適情也五曲法一應黃鍾兩均一黃鍾兩

伊越調一林鍾商小植調樂工皆崑崙衣絳氍朝霞爲蔽膝謂之祴襦兩肩加朝霞絡腋足臂有金寶環釧冠金冠左右珥璫條貫花鬘珥雙簪散以毛毳初奏樂有贊者一人先導樂意其舞容隨曲用人或一或六或四或八至十皆珠冒拜首稽首以終節其樂五譯而至德宗授舒難陀太僕卿遣還開州刺史唐次述驃國獻樂頌以獻太和六年南詔掠其民二千徙之拓東兩巖蠻自由州靖州西南昆川曲軌晉寧喻獻安寧距龍和城通謂之西巖蠻白蠻自彌鹿升麻二川南至步頭謂之東巖烏蠻

西爨自云本安邑人七世祖晉南寧太守中國亂  
遂王蠻中梁元帝時南寧州刺史徐文盛召詣荆  
州有爨瓚者據其地延袤二千餘里士多駿馬犀  
象明珠既死子震翫分統其衆隋開皇初遣使朝  
貢命韋世沖以兵戍之置恭州協州昆州未幾叛  
史萬歲擊之至西洱河滇池而還震翫懼而入朝  
文帝誅之諸子沒爲奴高祖即位以其子弘達爲  
昆州刺史奉父喪歸而益州刺史段綸遣俞大施  
至南寧治其範川誘諸部皆納款貢方物太宗遣  
將擊西爨開青蛉弄棟爲縣爨蠻之西有徒莫祗  
蠻儉望蠻貞觀二十三年內屬以其地爲傍望覽  
丘求五州隸郎州都督府白水蠻地與青蛉弄棟  
接郎州亦隸弄棟西有大勃弄小勃弄二川蠻其  
西與黃瓜葉榆西洱河接其衆完富與蜀埒無酋  
長喜相讎怨求徵初大勃弄楊承顛私署將帥寇  
麻州都督任懷玉招之不聽高宗以左領軍將軍  
趙孝祖爲郎州道行軍總管與懷玉討之至羅什  
侯山其酋禿磨蒲與大鬼主都干以衆塞菁口孝  
祖大破之夷人尚鬼謂主祭者爲鬼主每歲戶出  
一牛或一羊就其家祭之送鬼迎鬼必有兵因以

復仇云孝祖按軍多棄城逐北至周近水大酋儉  
弥于鬼主董朴瀕水爲柵以輕騎逆戰孝祖擊斬  
弥于禿磨蒲鬼主十餘級會大雪輒凍死者略盡  
孝祖上言小勃弄大勃弄常誘弄棟叛今因破白  
水請遂西計詔可孝祖軍入夷人皆走險小勃弄  
酋長歿盛屯白旗城率萬騎戰敗斬之進至大勃  
弄揚承顛嬰城守孝祖招之不從磨軍進執承顛  
餘屯大者數萬小數千皆波降之西南夷遂定罷  
郎州都督更置戎州都督爨弘達旣死以爨歸王  
爲南寧州都督居石城龍殺東爨首領蓋聘及子

蓋啓徙共範川有兩爨大鬼主崇道者與弟日進  
日用居安寧城左間草仇兼瓊開步頭路築安寧  
城羣蠻震駭共殺築城使者玄宗詔蒙歸義討之  
師次波州歸王及崇道兄弟千餘人泥首謝罪赦  
之俄而崇道殺日進及歸王歸王妻阿妣烏蠻女  
也走父部之兵相仇於是諸爨亂阿妣遣使詣歸  
義求殺夫者書聞詔以其子守隅爲南寧州都督  
歸義以女妻之又以一女妻崇道子輔朝然崇道  
守隅相攻討不置阿妣許歸義爲興師營昆川崇  
道定黎州遂虜其族遂輔朝收其女崇道俄亦被

殺訖舉稍離蜀閩羅漢立召守隅并妻歸河暖不  
通中國阿奴自七...落歲入朝恩...閣羅  
鳳遣昆川城使楊...以兵脅西蠻徙戶二十餘  
萬於永昌城東...不通多散...林谷得不  
徙自由靖州石城...麻昆川南北至...和皆幾于  
兵日進等子孫居...永昌城烏蠻種...徙居西蠻  
故地與峯州為隣...貞元中置都...府領羈縻州十  
八烏蠻與南詔...皆屬其種分七部落一曰阿芋  
路居曲州靖州故地二曰阿猛三曰婁山四曰暴  
蠻五曰盧鹿蠻二部落分保竹子嶺六曰磨若弥斂

七曰勿鄧土多牛馬無布帛男子髮鬚女人被髮  
皆衣牛羊皮俗尚巫鬼無拜跪之節其語四譯乃  
與中國通大部落有大鬼主百家則置小鬼主勿  
鄧地方千里有邛部六姓一姓白蠻也五姓烏蠻  
也又有初畏五姓皆烏蠻也居邛部臺登之間婦  
人衣黑繒其長曳地又有東欽蠻二姓皆白蠻也  
居北谷婦人衣白繒長不過膝又有粟...三姓雷  
蠻三姓夢蠻三姓散處黎檣戎數州之...皆隸勿  
鄧勿鄧南七十里有两林部落有十低...一姓阿屯  
三姓虧均三三姓隸焉其南有豐琵琶部落臨...一姓隸

焉兩林地雖陜而諸部推爲長號都大鬼主勿鄧  
豐琶兩林皆謂之東蠻天寶中皆受封爵及南詔  
陷嵩州遂羈屬吐蕃貞元中復通款以勿鄧大鬼  
主苴蒿兼邛部團練使封長川郡公及死子苴驃  
離幼以苴夢衝爲大鬼主數爲吐蕃侵獵兩林都  
大鬼主苴那時遣韋臯書乞兵攻吐蕃臯遣將劉  
朝彩出銅山道吳鳴鶴出清溪閔道鄧英俊出定  
蕃柵道進逼臺登城吐蕃退壁西貢川據高爲營  
苴那時戰甚力分兵大破吐蕃青海臘城二節度  
軍於北谷青海大兵馬使乞藏遮遮臘城兵馬使  
悉多楊朱節度論東柴大將論結突黎等皆戰死  
執籠官四十五人鎧仗一萬牛馬稱是進拔于葱  
柵乞藏遮遮尚結贊子也以尸還其下曩貢節度  
蘇論百餘人行哭使一人立尸左一人問之曰瘞  
痛乎曰然即傳藥曰食乎曰然即進膳曰衣乎曰  
然即命裘又問歸乎曰然以馬載尸而去詔封苴  
郝時爲順政郡王苴夢衝爲懷化郡王豐琶部落  
大鬼主驃傍爲和義郡王給印章袍帶二王皆入  
朝宴麟德殿賞賚加等歲給其部祿鹽衣綵黎檣  
二州吏就賜之以山阻多爲盜侵亡失所賜臯令

二州爲築館有賜約酋長自至授賜而遣之然苴  
夢衝內附吐蕃斷南詔使路臯遣舊州總管蘇嘉  
以兵二百召夢衝至琵琶川聲其罪斬之披其族  
爲六部以掾棄主之及苴驃離長乃命爲大鬼主  
驃傍年少驍敢數出兵攻吐蕃吐蕃間道焚其居  
室部落亡所賜印章臯爲請復得印舉蠻西有昆  
明蠻一日昆彌以西洱河爲境即葉榆河也距京  
師九千里土敵濕宜杭穉人辨首左衽與突厥同  
隨水草畜牧夏處高山冬入深谷尚戰死惡病亡  
勝兵數萬武德中舊州治中土偉使南寧因至其  
國諭使使朝貢求內屬發兵戍守自是歲與牂柯  
使僞來龍朔三年矩州刺史謝法成招慰比樓等  
七千戶內附總章三年置祿州湯望州咸亨三年  
昆明十四姓率戶二萬內附析其地爲殷州摠州  
黔州以安輯之殷州居戎州西北摠州居西南黔  
州居南遠不過五百餘里近三百里其後又置盤  
麻等四十一州皆以首領爲刺史昆明東九百里  
即牂柯國也兵數出侵地數千里元和八年上表  
請盡歸牂柯故地開成元年鬼主阿珮內屬會昌  
中封其別帥爲羅殿王世襲爵其後又封別帥爲

滇王皆牂柯蠻也東距辰州二千四百里其南千  
五百里即交州也無城郭土熱多霖兩稻粟再熟  
無徭役賦乃屯聚刻木爲契盜者倍三而償殺人  
者出牛馬三十俗與東謝同首領亦姓謝氏至龍  
羽有兵三萬武德三年遣使者朝以其地爲牂州  
拜龍羽刺史封夜郎郡公其北百五十里有別部  
曰兗州蠻勝兵二萬亦來朝貢以地爲兗州開元  
中牂柯酋長元齊死孫嘉藝襲官封其後乃以趙  
氏爲酋長二十五年趙君道來朝其裔有趙國珍  
天寶中戰有功閣羅鳳叛宰相楊國忠兼劔南節  
度使以國珍有方略授黔中都督屢敗南詔護五  
溪十餘年天下方亂其部獨寧終工部尚書貞元  
中官其酋長趙主裕亦以襲朝貢不絕至十八年  
五遣使朝元和二年詔黔南觀察使常以本道將  
爲押領牂柯昆明等使自是數遣使或朝正月訖  
開成不絕故事戎夷朝貢將至都中官驛勞於郊  
旣及館恩禮尤渥西襲之南有東謝蠻居黔州西  
三百里南距守宮徠西連夷子地方千里宜五穀  
爲畬田歲一易之衆處山巢居汲流以飲無賦稅  
刻木爲契見貴人執鞭而拜賞有功者以牛馬銅

鼓犯小罪則杖大事殺之盜物者倍償昏姻以牛  
酒爲聘女歸夫家夫歟蒞避之旬日乃出會聚斂手  
銅鼓吹角俗推髻韜以絳垂于後坐必蹲踞常帶  
刀劔男子服衫襖大口袴以帶斜繚右肩以螺殼  
虎豹援狔犬羊皮爲飾有謝氏世爲酋長部落尊  
畏之其族不育女自以姓高不可以嫁人貞觀三  
年其酋元深入朝冠烏熊皮若注旄以金銀絡額  
被毛帔韋行滕著履中書侍郎顏師古因是上言  
昔周武王時遠國入朝大史次爲王會篇今蠻夷  
入朝如元深冠服不同可寫爲王會圖詔可帝以  
地爲應州即拜元深刺史隸黔州都督府又有南  
謝首領謝彊亦來朝以其地爲莊州授彊刺史建  
中三年大酋長檢校蠻州長史資陽郡公宋鼎與  
諸謝朝賀德宗以其國小不許許於黔中觀察使  
王璣以州接牂柯願隨牂柯朝賀璣奏牂蠻二州  
戶繁力彊爲隣蕃所憚請許三年一朝詔從之元  
和中辰澈蠻酋張伯靖嫉本道督斂苛刻聚衆叛  
侵播費二州黔中經略使崔能荆南節度使嚴綬  
湖南觀察使柳公綽討之三歲不能定伯靖上表  
請隸荆南乃降崔能內恨之更請調荆南湖南桂

管軍爲援約西原十洞兵皆出可以成功公卿議者皆以爲便宰相李吉甫曰伯靖挾怨而叛豎以大兵而招之可不戰自定乃命能兵母出獨詔嚴綬招伯靖率家屬詣江陵降授右威衛翊府中郎將東謝南有西趙蠻東距夷子西屬昆明南西洱河也山穴阻深莫知道里南北十八日行東西二十三日行戶萬餘俗與東謝同趙氏世爲酋長夷子渠帥姓李氏與西趙比自南蠻別種勝兵各萬人自古未嘗通中國黔州豪帥田康諷之故貞觀中皆遣使入朝西趙首領趙西摩率所部萬餘戶內

附以其地爲明州授會摩刺史松外蠻酋數十百部大者五六百戶小者二三百凡數十姓趙揚李董爲酋族皆擅山州不能相君長有城郭文字頗知陰陽歷數自夜郎滇池以西皆壯躡之裔有稻麥粟豆絲麻薤蒜桃李以十二月爲歲首布幅廣七寸正月蟄蟲生二月熟男子羶革爲帔女衣純布褰衫髮髻盤如髮飯用竹筴搏而噉之烏杯貯羹如雞蟲徒跣有舟無車死則坎地殯舍左屋之二三年乃葬以蠶蚌封棺父母喪斬衰布衣不澡者四五年近者二三年爲人所殺者子以麻括髮墨面衣

不緝居喪昏嫁不廢亦弗避同姓婿不親迎富室娶妻納金銀牛羊酒女所齎亦如之有罪者樹一長木擊鼓集衆其下彊盜殺之富者貴死燒屋奪其田次置者倍九而償贖姦淫則彊族輸金銀請和而棄其妻處女瘞婦不坐凡相殺必報力不能則其部助攻之祭祀殺牛馬親聯畢會助以牛酒多至數百人貞觀中舊州都督劉伯英上疏松外諸蠻夷數附叛請擊之西洱河天竺道可通也居數歲太宗以右武侯將軍梁建方發蜀十二州兵進討酋帥雙音拒戰敗走殺獲十餘萬羣蠻震駭

走保山谷建方諭降者七十餘部戶十萬九千署首領蒙和為縣令餘衆感悅西洱河亦卑亦曰河蠻道繇郎州走三千里建方遣奇兵自舊州道千五百里掩之其帥楊盛大駭欲遁去使者好語約降乃遣首領十人納款軍門建方振旅還二十二年西洱河大首領楊同外東洱河大首領楊欽松外首領蒙羽皆入朝授官秩顯慶元年西洱河大首領楊棟附顯和亦卑大首領王羅祁郎昆梨盤四州大首領王伽衝率部落四千人歸附入朝貢方物其後茂州西南築安戎城絕吐蕃通亦卑道生荒

爲吐蕃鄉導攻拔之增兵以守西洱河諸亦夷皆臣  
吐蕃開元中首領始入朝授刺史會南詔蒙歸義  
拔大和城乃北徙更羈制於浪穹詔浪穹詔巴破  
又徙雲南柘城黎州領羈縻奉上等州二十六開  
元十七年又領羈縻真梁平貴等州三十一南路  
有廓清道部落主三人娑曷鬼主十人又有阿逼  
蛮分十四部落一曰大龍池二曰小龍池三曰控  
四曰真質五曰烏拔六曰直賃七曰威角築水八曰  
戎列九曰婆狄十曰石地十一曰羅公十二曰訛  
十三曰離十四曰里漢黎邛二州之東又有凌

蛮西有三王亦蛮蓋祚都夷白馬氏之遺種揚劉郝  
三姓世爲長襲封王謂之三王部落疊壁而居號  
綢舍歲稟節度府帛二千匹以訶南詔而南詔亦  
密賂之覘成都虛實每節度使至酋長來謁節度  
使多奏威惠所懷以罔天子也前謁必請於都押  
衙且聽命都押衙不令者輒諷其叛常倚三王部  
落求姑息至唐末益甚雅州西有通吐蕃道二曰  
夏陽曰巽松曰始陽皆諸蛮錯居凡部落四十六  
距州三百餘里之外有百坡當巖城中川鉗矣  
昌通鉗井七部落四百餘里之外有羅巖當馬三

井東鋒名耶鉗恭畫重羅林籠羊林波林燒龍逢  
索古敢川驚川禍眉不燭十七部落五百餘里之  
外有諾祚三恭布嵐欠馬論川讓川遠南卑盧夔  
龍曜川金川東嘉梁西嘉梁十三部落六百餘里  
之外有椎梅作重禍林金林羅蓬五部落皆羈縻  
州也以首領襲刺史雋州新安城傍有六姓亦虫一  
曰蒙亦虫二曰夷亦虫三曰訛亦虫四曰狼亦虫餘勿鄧及  
白亦虫也戎州管內有馴騁浪三州大鬼主董嘉慶  
累世內附以忠謹稱封歸義郡王貞元中狼亦虫亦  
請內附補首領浪沙爲刺史然卒不出劍南西川  
節度使韋臯檄嘉慶兼押狼亦虫又有魯望等部落  
徙居戎州馬鞍山臯以其遠邊徼戶給米二斛鹽  
五斤北又有浪稽亦虫羅哥谷亦虫東有娑秋亦虫烏皮  
亦虫南有離東亦虫鍋銜亦虫西有磨此亦虫與南詔越析  
相姻婭自浪稽以下古滇王哀牢雜種其地與吐  
蕃接亦有姐羌古白馬氏之裔劍山當吐蕃大路  
屬石門柳彊二鎮置戍守捉以招討使領五部落  
一曰弥羌二曰鑠羌三曰胡叢其餘東欽磨此也  
又有夷望鼓路西望安樂湯谷佛亦虫虧野阿醯阿  
鷲鉞亦虫林井阿異十二鬼主皆隸雋州又有奉國

首伽十一部落春秋受賞於雋州然挾吐蕃爲輕  
重每節度使至諸部獻馬西長衣虎皮餘皆紅氍  
束髮錦纈襖半臂旣見請匹錦斗酒折草招父祖  
覓以歸鄉里及還裹錦植馬上而去又有顯養東  
魯諸亦虫永徽二年與胡叢皆叛高宗以右驍衛將  
軍曹繼叔爲雋州道行軍摠管戰斜山拔十餘城  
斬首七百獲馬犂牛萬五千姚州境有永昌亦虫居  
古永昌郡地咸亨五年叛高宗以太子右衛副率  
梁積壽爲姚州道行軍摠管討平之武后天授中  
遣御史裴懷古招懷至長壽時大首領董期率部

落二萬以屬其西有撲子亦虫趨悍以青沙沒羅爲通  
身袴善用竹弓入林射飛鼠無不中無食器以燕  
葉藉之人多長大負排持鞘而鬪又有望亦虫者用  
木弓短箭鏃傳毒藥中者立死婦人食乳酪肥白  
跣足青布爲衫裳聯貫珂貝珠絡之髻垂于後有  
夫者分兩髻羣亦虫種類多不可記有黑齒金齒銀  
齒二種見人以漆及鏤金銀飾齒寢食則去之直  
頂爲髻青布爲通袴有繡脚種刻踝至腓爲文有  
繡面種生踰月涅黛於面有雕題種身面涅黛有  
穿鼻種以金環徑尺貫其鼻下垂過頤君長以絲

係鑲人率乃行其次以二花頭金釘貫鼻下出又有長鬚種棟鋒種皆額前爲長鬚下過臍行以物舉之君長則一女在前共舉其鬚乃行安南有生蠻林靚符部落大曆中置德化州戶一萬又以潘歸國部落置龍武州戶千五百詔安南節度使綏定之貞元七年始以驩峯二州爲都督府驩在安南限重海與文單占浚接峯統羈縻州十八與蜀蠻交蠻接

南平獠東距智州南屬渝州西接南州北涪州戶四千餘多瘴癘山有毒草沙虱蝮蛇人樓居梯而上名爲干欄婦人橫布一幅穿中貫其首號曰通裙美髮髻垂於後竹筒二寸斜穿其耳貴者飾以珠璫俗女多男小婦人任役昏法女先以化貝求男貧者無以嫁則賣爲婢男子左衽露髮徒跣其王姓朱氏號劔荔王貞觀二年遣使內款以其地隸渝州有飛頭獠者頭欲飛周項有痕如縷妻子共守之及夜如病頭忽亡比且還又有鳥武獠地多瘴毒中者不能飲藥故自斃垂齒有審氏世爲南平渠帥陳末以其帥猛力爲寧趙太守陳亡自以爲與陳叔寶同日而生當代爲天子乃不入朝隋兵

阻瘴不能進猛力死子長真龍巖刺史及討林邑長  
真出兵攻其後又率部落數千從征遼東煬帝召  
爲鴻臚卿授安撫大使遣還又以其族人審宣爲  
合浦太守隋亂皆以地附蕭銑長真部越兵攻立  
和於交阯者也武德初以寧越鬱林之地降自是  
交愛數州始通高祖授長真欽州都督審宣亦遣  
使請降未報而卒以其子純爲廉州刺史族人道  
明爲南越州刺史六年長真獻大珠昆州刺史沈  
遜融州刺史歐陽世普象州刺史秦元覽亦獻筒  
布十四袒以道遠勞人皆不受道明與高州首領馮

暄談歿據南越州反攻安州審純以兵援之八年  
長真陷封山縣昌州刺史龐孝恭椅擊暄等走之  
明年道明爲州人所殺未幾長真死子據襲刺史  
馮暄談歿阻兵相掠羣臣請擊之太宗不許遣負  
外散騎常侍韋叔諧負外散騎侍郎李公淹持節  
宣諭暄等與溪洞首領皆降南方遂定大抵劔南  
諸獠武德貞觀間數寇果州縣者不一巴州山獠  
王多馨叛梁州都督龐玉梟其首又破餘黨符陽  
白石二縣獠其後眉州獠反益州行臺郭行方大  
破之未幾又破洪雅二州獠俘男女五千口是歲

益州獠亦反都督竇軌請擊之太宗報曰獠依山  
險當拊以恩信脅之以兵威豈爲人父母意耶貞  
觀七年東西玉洞獠反以右屯衛大將軍張士貴  
爲龍巖州道行軍總管平之十二年巫州獠叛夔州  
都督齊善行擊破之俘男女三千餘口鈞州獠叛  
桂州都督張寶德討平之明州山獠又叛交州都  
督李道彦擊走之是歲巴洋集瑩四州山獠叛攻  
巴州遣右武侯將軍上官懷仁破之于壁州虜男  
女萬餘明年遂平十四年羅竇諸獠叛以廣州都  
督党仁弘爲賓州道行軍總管擊之虜男女七千

餘太宗再伐高麗爲船劔南諸獠皆半役雅邛眉  
三州獠不堪其擾相率叛詔發隴右峽兵二萬以  
茂州都督張士貴爲雅州道行軍總管與右衛將  
軍梁建方平之高宗初琰州獠叛梓州都督謝萬  
歲充州刺史謝法興黔州都督李孟嘗討之萬歲  
法興入洞招慰遇害顯慶三年羅竇生獠西領多  
胡桑率衆內附上元末納州獠叛寇故茂都掌二  
縣殺吏民焚廨舍詔黔州都督發兵擊之大曆二  
年桂州山獠叛陷州刺史李良遁去貞元中嘉州  
綏山縣婆龍川生獠首領甫和兄弟誘生蠻爲亂

剽居人西川節度使韋臯斬之招其自領勇于等  
出降或請增柵東凌界以守臯不從曰無戎而城  
害所生也獠亦自是不擾境戎瀘間有葛獠居依  
山谷林菁踰數百里俗喜叛州縣撫視不至必合  
黨數千人持排而戰奉西帥爲王號曰婆能出入  
前後植旗大中末烏瀘二州刺史貪吝以弱繒及  
羊彊掠市米麥一斛得直不及半羣獠訴曰當爲  
賊取死耳刺史召二小吏榜之曰皆爾屬爲之非  
吾過獠相視大笑遂叛兵西長始艾爲王踰梓潼  
所過焚剽刺史劉成帥誘降其黨斬首領七十餘

人餘衆遁至東川節度使柳仲郢諭降之始艾稽  
首請罪仲郢貫遣之成都西北二千餘里有附國  
蓋漢西南夷也其東部有嘉良夷無姓氏地縱八  
百里橫西四千五百里無城柵居山谷壘石爲巢  
高十餘丈以高下爲差作狹戶自內以通上王酋  
帥以金飾首曾垂金花徑三寸地高涼多風少雨  
宜小麥多白雉嘉良夷有水廣二十步附國水廣  
五十步皆南流以韋爲船附國南有薄緣夷西接  
女國三濮者在雲南徼外千五百里有文面濮俗  
鏤面以青涅之赤口濮裸身而折齒剗其脣使赤

黑棘濮山居如人以幅布爲裙貫頭而繫之丈夫  
衣穀皮多白蹄牛虎鼻龍朔中遣使與千支弗磨  
臘同朝貢

西原蠻居廣容之南邕桂之西有審氏者相承爲  
豪又有黃氏居黃橙洞其隸也其地西接南詔天  
寶初黃氏彊與韋氏周氏儂氏相脅齒爲寇害據  
十餘州韋氏周氏恥不肯附黃氏攻之逐于海濱  
至德初首領黃乾曜真崇鬱與陸州武陽朱蘭洞  
蠻皆叛推武承斐韋敬簡爲帥僭號中越王廖歆  
爲桂南王莫溥爲拓南王相支爲南越王梁奉爲

鎮南王羅誠爲戎成王莫溥爲南海王合衆二十  
萬餘地數千里署置官吏攻桂管十八州所至焚  
廬舍掠士女更四歲不能平乾元初遣中使慰曉  
諸首領賜詔書赦其罪約降於是西原環古等州  
首領方子彈甘令暉羅承韋張九解宋原五百餘  
人請出兵討承斐等歲中戰二百斬黃乾曜真鬱  
崇廖歆莫溥梁奉羅誠莫溥七人承斐等以餘衆  
面縛詣桂州降盡釋其縛差賜布帛縱之其種落  
張侯真永與夷獠梁崇率覃問及西原酋長吳勁  
曹復合兵內寇陷道州據城五十餘日桂管經略

使邢濟擊平之執吳功曹等餘衆復圍道州刺史  
元結固守不能下進攻永州陷邵州留數日而去  
湖南團練使辛京杲遣將王國良戍武崗族京杲  
貪暴亦叛有衆千人侵掠州縣發使招之且服且  
叛建中元年城淑州以斷西原國良乃降貞元十  
年黃洞首領黃少卿者攻邕管圍經略使孫公器  
請發嶺南兵躬討之德宗不許命中人招諭不從  
俄陷欽橫潯甯四州少卿子曰沔趨勇前後陷十  
三州氣益振乃以唐州刺史陽旻爲容管招討經  
略使引師掩賊一日六七戰皆破之侵地悉復元

和初邕州擒其別帥黃承慶明年少卿等歸款拜  
歸順州刺史弟少高爲有州刺史未幾復叛又有  
黃少度黃昌瓘二部陷賓蠻二州據之十一年攻  
欽橫二州邕管經略使韋悅破走之取賓蠻二州  
是歲復署巖州桂管觀察使裴行立輕其軍弱首  
請發兵盡誅叛者徵幸有功憲宗許之行立兵出  
擊彌更二歲妄奏斬獲二萬罔天子爲解自是邕  
容兩道殺傷疾疫死者十八以上調費闕二繇行  
立陽旻二人當時莫不咎之及安南兵亂殺都護  
李象古擢唐州刺史桂仲武爲都護逗留不敢進

賤安州刺史以行立代之尋刀召還卒長慶初以容  
管經略使留後嚴公素為經略使復上表請討黃  
氏兵部侍郎韓愈建言黃賊皆洞獠無城郭依山  
險各治生業急則屯聚畏死前日且管經略使德  
不能綏懷威不能臨制侵詐係縛以致憾恨夷性  
易動而難安劫州縣復私讎貪小利不為大患自  
行立陽曼建征討生事詭賞邕容兩管日以凋弊  
殺傷疾患十室九空百姓怨嗟如出一口人神共  
嫉二將繼死今嚴公素非撫御之才復尋往謬誠  
恐嶺南未有寧時昨合邕容為一道邕與賊限一

江若經略使居之兵鎮所處物力雄完則敵人不  
敢輕犯容州則隔阻已甚以經略使居之則邕州  
兵少情見易啓蠻心請以經略使還邕州容置刺  
史便甚又比發南兵遠鄉羈旅疾疫殺傷續添續  
死每發倍難若募邕容千人以給行營糧不增而  
兵便習守則有威攻則有利自南討損傷嶺南人  
希賊之所處洞壘荒僻假如盡殺其人得其地在  
國計不為有益容實羈縻比之禽獸來則捍禦去  
則不追未有虧損朝廷願因改元大慶普赦其罪遣  
郎官御史以天子意丁寧宣諭必能謹听命為

選材用威信者委以經略處理得方宜無侵叛事  
不納初邕管既廢人不謂宜監察御史杜周士使  
安南過邕州刺史李元宗白狀周士從事五管積  
三十年矣亦知其不便嚴公素遣人盜其梟周士  
憤死公素劾元宗擅以羅陽縣還黃少度元宗懼  
引兵一百持印章依少度穆宗遣監察御史敬僚  
按之僚嘗為容州從事與公素暱傳致元宗罪以  
母老流羅州衆以為不直黃賊更攻邕州陷左江  
鎮攻欽州陷千金鎮刺史楊嶼奔石南柵邕州刺  
史崔結擊破之明年又寇欽州殺將吏是歲黃昌

瓊道其黨陳少奇二十人歸款請降敬宗納之黃  
氏儂氏據州十八經略使至遣一人詣治所稍不  
得意輒侵掠諸州橫州當邕江官道嶺南節度使  
常以兵五百戍守不能制大和中經略使董昌齡  
遣子蘭討平峒穴夷其種黨以諸蠻置長服有違命者  
必嚴罰之十八州歲輸貢賦道路清平其後儂洞  
最彊結南詔為助懿宗與南詔約和二洞數構敗  
之邕管節度使辛儼以從事徐雲慶使南詔結和  
齎美貨啖二洞首領大州刺史黃伯蘊屯洞首領  
儂金意負州首領儂金勒等與之通驩負州又有

首領儂金澄儂仲武與金勒龍黃洞首領黃伯善  
伯善伏兵灤水雞鳴候其半濟擊殺金澄仲武唯  
金勒遁免後欲興兵報仇辛讜遣人持牛酒音樂  
解和并遺其母衣服母賢者也讓其子曰節度使  
持物與獠毋非結好也以汝爲吾子前日兵敗灤  
水士卒略盡不自悔復欲動衆兵忿者必敗吾將  
囚爲官老婢矣金勒感寤寤爲罷兵

贊曰唐北禽頡利西滅高昌焉耆東破高麗百濟  
威制夷狄方策所未有也交州漢之故封其外瀕  
海諸蠻無廣土堅城可以居守故中國兵未嘗至  
也以南詔詩曰惠中國以綏四方不以夷狄先  
諸夏也

南蠻列傳第二百四十七下

四

